

直隸叙永廳志卷二十四

土司志

直隸叙永廳

明洪武十三年改軍民宣撫司爲永寧長官司後仍陞宣撫司以土目奢氏爲之成化三年大壩都掌夷叛命總兵官襄城伯李瑾等討平之奏改大壩爲太平置長官司舉永寧土人黃鎮爲之與九姓司同屬永寧宣撫司管轄迨奢崇明叛討平之改土爲叙永廳設同知一員以資彈壓太平司遂

直隸叙永廳志

卷二十四

土司

一

廢爲太平里九姓司改屬瀘州彼時土目有功者如張令官至副總兵卒以忠烈死此亦土人中之錚錚者至獻賊亂後奢寅弟奢辰又名保壽竊居鎮雄漸窺永土實爲漏孽

國朝順治十七年總兵嚴自明等具題奉

旨奢保壽安置臥泥河與齊民一例當差未幾保壽死妻

隴氏復欲圖請古藺長官司事未就亦死奢孽始無遺焉雍正八年叙永改爲直隸廳轄永寧一縣凡散處苗猺均與齊民編入里甲別無土司名目